

Xeni ?eguh jid Nits'egugheni?an



*Nen qa nits'egugheni?an Xeni Nits'egugheni?an ts'edinh se?ant'ih ts'edinh
Nenduwh k'andzin nagwaghetadanlh Benen ?eghutelig 19, 2015.*

Nenduwh jid ts'eguzah

1. Nendid dechen nits'edenintan ?eyi "Xeni ?eguh jid Nits'egugheni?an" ts'egwedinh ?eguts'eyenentažinlh.

Nenduwh gagwedinh hagunt'ih

2. Nenduwh gweqa dechen nits'edenenintan gunlin:
 - a. Declared "Ts'egunten ?eyed hink'an Ji?anataghand'in jid gwets'enz ?eyed" nenduwh gagunt'ih, Tšilhqot'in nen jiz gweghany Canada qod ?eghendes ?eyed Tšilhqot'in jeguweten nigugheni?an, Tšilhqot'in Deni chu British Columbia Qod bid jinajatlig, 2014 SCC 44 hink'an British Columbia shunchuh qod nats'edlish gagunt'ih jid nagwenejud gagunt'ih Tšilhqot'in nen ji?anajet'in jid gwets'enz ?eyed jegwenilhnan gwelhtsin, William belh British Columbia, 2012 BCCA 285;
 - b. "Xeni Nits'egugheni?an" nenduwh gagwedinh: Xeni Gwet'in August 23rd, 1989 nen qa nijegugheni?an, tšažež ?eyuy nendid destl'es bidilgenz Schedule A ts'edinh;
 - c. "Tšilhqot'in Nation" Tšilhqot'in jid guts'uzih qwentex ?elhagh?eyuwih jedilhtš'ish ?Esdilagh, Tl'esqox, Tl'etincox, Tši Deldel, Yunešit'in, hink'an Xeni Gwet'in haguts'edinh, nendid dechen nits'edintish Tšilhqot'in National Government gubah xenajegwedelax;
 - d. "Xeni Gwet'in" – Xeni Gwet'in Nenqayni Government (Xeded Najeguwelhnagh).

Gwa?anats'edeni ?eyed gats'egušen

3. Nendid Tšilhqot'in Jedeni gwech'an chuh gajaghint'i dechen nijedetatinlh gwa?anajedeni, hink'an Canada qod ?eghendes najegwenizud nen jeguweten guts'elhtsin, Tšilhqot'in jedeni chu British Columbia, 2014 SCC 44.

Xeni nen qa nits'egugheni?an jid dechen nits'edintinsh

4. Xeni nen qa nits'egugheni?an ?eyi bid guyed nen jegunten guts'elhtsin hink'an guyed nen ji?anajetat'in jid gwets'enz gunlin qod jegwenilhnan ?eyed gwah ?eguh jid dechen nijedetatinlh.
5. Guyen ji?anajut'in jeyenižen ?eyen nits'egugheni?an xugweldinh ?eguh gweghad ?ajetat'inlh.
6. Guyed nen jegunten ts'egwelhtsin ?eyed jiz gu?en jid dechen nits'edetatinlh hink'an beghad ?ats'at'inlh ?ats'elax Xeni Gwet'in belh Tšilhqot'in deni gajegwetalilh. Guyi Xeni Nits'egugheni?an ts'enilh?in beghad hats'etanilh.
7. Guyi nen qa nits'egugheni?an Xeni Nits'egugheni?an ts'edinh ?eyi lha beghad ta?anats'ušt'in ts'iyenižen Xeni Gwet'in hink'an Tšilhqot'in deni naguts'udalqed hink'an gats'etanilh.



Xeni ?eguh jid Nits'egugheni?an



SCHEDULE A

Xeni Nits'egugheni?an

Nenduwh Gadidinh:

Xeni gwet'in xagwananisjez ?eyed:

1. Lha xwedechen bid seniya ?anats'edulyi gut'in. Xeni gwet'in nidlin dzanh be?anataghat'in.
2. Lha t?i ts'edulhde? hink'anlha t?i ts'edelhde? gweqa-ts'egwagheta?tinlh.
3. Lha qa-chugh gha ?eten nats'egut?i gut'in.
4. Yes-qay nazas belh beqi-diny gadant'i ?eyi ?eqats'etat'inlh gweqa dzanh bi?anats'etat'in.
5. Tsilhqox Biny, Dasiqox, hink'an Telhiqox ?eyed lha ts'egulhbanx hink'an nats'u?ilh gut'in.
6. Yedanx dzanh nenduwh gat'in deni nidlin nenk'ed ?eguh gataghat'ilh.
7. Midugh xwenen jijetayalh nenk'ed se?agunt'ih, gan xun gweba?anadetaghadinlh.
8. Xun Xeni gwet'in xwenen gweqa?adidinh xunh, lha ?inlhanx xwets'ah tasalh xunh.

Nits'il?in (Chief) Joe Alphonse

Tribal Chairman – Tsilhqot'in National Government
Tl'etincox Government Office

Nits'il?in Roger William

Vice-Chair –Tsilhqot'in National Government
Xeni Gwet'in First Nations Government

Nits'il?in Francis Laceese

Tl'esqox First Nation

Nits'il?in Bernie Mack

?Esdilagh First Nation

Nits'il?in Percy Guichon

Tsi Del Del First Nation

Nits'il?in Russell Myers Ross

Yunesit'in First Nations Government

